

**PRAVILNIK  
o dodjeli stipendija**

Mostar, oktobar/listopad 2021. godina

Na osnovu člana 27. Statuta JP Autoceste FBiH d.o.o. Mostar, broj: 1.1-2866-1/12 od 29.06.2012. godine Uprava JP Autoceste FBiH d.o.o. Mostar na sjednici Uprave JP Autoceste FBiH d.o.o. Mostar održanoj 28.10.2021. godine donosi se:

## **PRAVILNIK o dodjeli stipendija**

### **OPĆE ODREDBE**

#### **Član 1.**

JP Autoceste FBiH d.o.o. Mostar (u daljem tekstu: JP Autoceste) dodjeljuje stipendije nadarenim i uspješnim studentima s ciljem promicanja znanja i humanosti te željom da motivira njihov daljnji rad, naročito u području koji se odnose na potrebe preduzeća, a tiču se građenja, upravljanja i održavanja autocesta i brzih cesta.

Pravilnikom o dodjeli stipendija (u daljem tekstu: Pravilnik), utvrđuju se opće odredbe, izbor kandidata, način i kriteriji za dodjelu stipendija, prava i obaveze primatelja stipendija, način određivanja visine stipendija, kao i druga pitanja od značaja za dodjelu stipendija.

#### **Član 2**

Izrazi koji se koriste u ovome propisu imaju rodno značenje koriste se neutralno i odnose se na muške i ženske osobe.

#### **Član 3.**

U skladu s Odlukom o stipendiranju, pravo na stipendiju mogu ostvariti studenti dodiplomskog studija, postdiplomskog studija, počev od treće godine dodiplomskog studija ukoliko ispunjavaju uvjete utvrđene Odlukom i ovim Pravilnikom.

#### **Član 4.**

Kriteriji za dodjelu stipendija utvrđuje se na osnovu postignutog uspjeha i drugih značajnih rezultata u vannastavnim aktivnostima. Rezultati postignuti u vannastavnim aktivnostima, dokazuju se na osnovu relevantnih uvjerenja. Vannastavne aktivnosti se odnose na doprinos u radu odsjeka ili Univerziteta u akademskim, projektnim, promotivnim ili drugim aktivnostima.

### **KRITERIJI I MJERILA ZA DODJELU STIPENDIJA**

#### **Član 5.**

Izbor kandidata za stipendiranje, vrši se na osnovu kriterija iz člana 6. ovog Pravilnika, a putem prijave na javni poziv.

Javni poziv se objavljuje u jednom od dnevnih listova i web stranici preduzeća najkasnije do 31. oktobra tekuće godine. Javnim pozivom definiraju se uvjeti koje kandidati moraju ispunjavati, kao i dokumentaciju koju je potrebno dostaviti uz prijavu na poziv.

Javni poziv za dodjelu stipendija otvoren je 15 dana od dana raspisivanja.

Pravo na stipendiju mogu ostvariti pod uvjetima utvrđenim ovim Pravilnikom studenti:

- koji su državljani BiH s mjestom prebivališta u BiH, što dokazuju jednim od dokumenata kojima se dokazuje državljanstvo i prijava mjesta boravka;
- koji su studenti jednog od univerziteta u Bosni i Hercegovini i imaju status redovnog studenta redovnog samofinansirajućeg studenta dodiplomskog i postdiplomskog studija, počev od treće godine studija,
- koji nemaju odobren kredit, stipendiju ili drugi oblik novčanog primanja koje ima obilježja stipendije, što dokazuju pisanom izjavom punoljetnog kandidata.

#### Član 6.

Osnovni kriterij za dodjelu stipendija je rezultat postignut u učenju u prethodnoj školskoj godini, dok su dodatna mjerila koja se utvrđuju na osnovu rezultata postignutih u vannastavnim aktivnostima, nizak porodični standard i otežani uvjeti života.

Bodovi po osnovu rezultata u učenju:

- Za studente viših godina studija prosječna ocjena u prethodnoj godini studija zaokružena na dvije decimale i pomnožena sa 10

pr. ocjena x 10

- Po osnovu rezultata postignutih u vannastavnim aktivnostima 1 – 5 bodova

Student čija porodica po članu domaćinstva ima primanja do 30% prosječne plate u FBiH prema posljednjem objavljenom podatku Federalnog Zavoda za statistiku.

7 – 10 bodova

- Student čija porodica po članu domaćinstva ima primanja do 31% - 70% prosječne plate u FBiH prema posljednjem objavljenom podatku Federalnog Zavoda za statistiku.

3 – 6 bodova

- Student bez jednog roditelja 7 bodova

- Student bez oba roditelja 10 bodova

- Student čiji je roditelj ratni vojni invalid ili civilna žrtva rata 6 bodova

#### Član 7.

Kada prijavljeni kandidati imaju jednak broj bodova, prednost će imati onaj kandidat koji ima više bodova po osnovu ostvarenih rezultata u učenju.